



## **BASES DO PREMIO HONORÍFICO Á LABOR DAS MULLERES DO CONCELLO DA ESTRADA**

Organizado polo Centro de Información ás Mulleres do Concello da Estrada este premio pretende recoñecer a labor e a traxectoria daquelas mulleres que de xeito tanto individual como colectivo ou ben a través de entidades públicas ou privadas, contribuíran ao longo dos anos ao empoderamento da muller e polo tanto a conseguir unha sociedade mais igualitaria para o exercicio dos dereitos en igualdade de condicións.

Ao mesmo tempo este recoñecemento servirá de impulso para o recoñecemento da actividade emprendedora levada a cabo por mulleres na Estrada e visibilizar a importancia do papel desenvolvido polas mesmas.

Por elo, decidiuse convocar este premio segundo as seguintes

### **BASES**

#### **1. Obxecto**

O obxectivo deste premio é impulsar e recoñecer o esforzo e a labor de mulleres, empresas ou colectivos de mulleres, tanto públicos como privados no Concello da Estrada.

#### **2. Requisitos das participantes**

Poderán optar a ser candidatas:

- Todas aquelas mulleres que houberan nacido, houberan residido ou residan na Estrada e que desenvolvan aquí a súa actividade social, empresarial ou cultural.
- Todas aquelas entidades publicas ou privadas, empresas ou asociacións que desenvolveran ou veñan desenvolvendo a súa actividade social, empresarial ou cultural na Estrada

#### **3. Candidaturas**

As candidaturas poderán presentarse de dous xeitos:

- 1) Por proposta dalgún dos membros do xurado.
- 2) Por iniciativa propia ou a instancia de terceiros no Rexistro Central do Concello da Estrada mediante solicitude.

O prazo para a presentación das candidaturas publicarase cada ano durante o

mes de febreiro, e pecharase sempre dez días antes da celebración do acto de entrega do premio.

#### **4. Premio**

O premio constará dun recoñecemento simbólico mediante a entrega dun agasallo conmemorativo á unha única persoa ou entidade galardoada e sen dotación económica.

#### **5. Criterios de valoración**

Valóranse os seguintes aspectos:

- Traxectoria persoal/empresarial/social
- Relevancia
- Retorno á cidadanía

#### **6. Xurado**

O Xurado estará composto por persoas representativas procedentes dos ámbitos da igualdade de oportunidades, do mundo empresarial, cultural e institucional de A Estrada.

Os membros do xurado serán:

- Concelleira con competencias sobre de Benestar Social e Igualdade, como presidenta.
- Concelleiro/a con competencia sobre Cultura.
- Unha/un Concelleiro/a de cada grupo da oposición.
- Unha/un Representante dunha asociación empresarial ou comercial por sorteo.
- Unha/un representante sindical por sorteo.
- Unha/un representante das asociacións do eido cultural no ámbito municipal por sorteo das inscrita no Rexistro Municipal de Asociacións.
- Unha representante das asociacións de mulleres no ámbito municipal por sorteo das inscrita no Rexistro Municipal de Asociacións.
- A Directora do CIM.
- En calidade de secretario/a un traballador/a do departamento de Cultura do Concello.

En caso de empate nas votacións do xurado, este resolverase co voto de calidade da Presidenta.

O representante da Asociación de Mulleres, da Asociación Cultural e dos Sindicatos serán elexidos por sorteo, que será feito diante dun representante de cada grupo político con representación na Corporación do Concello do Estrada.

Para poder ser parte do Xurado as Asociacións Culturais e as de Mulleres deberán acreditar actividade nos anteriores 12 meses.

Se algunha das candidatas propostas fose algunha persoa ou asociación que ao mesmo tempo formase parte do xurado, quedará excluída de tal condición o ano que sexa candidata.

## **7. Faio e entrega do premio**

O xurado xuntarase entre o día un e o sete de marzo para determinar o faio, o cal adoptarase por maioría simple e será inapelable.

Este faio publicarase no taboleiro de anuncios do 2º andar do Concello e darase a coñecer a través dos medios de comunicación e directamente a persoa ou entidade galardoada.

O premio será entregado nun acto solemne que celebrará en torno ao 8 de marzo de cada ano.

*Nota: cada participante, polo mero feito de participar, acepta estas bases, así como a divulgación dos méritos a través dos medios de comunicación. Calquera outra circunstancia non prevista nas mesmas será resolta polo xurado e as súas decisións serán inapelables.*

*Todos os membros do xurado comprométense a gardar absoluta reserva e discreción sobre as propostas presentadas.*

Na Estrada a 20 de abril de 2015  
Asdo. A CONCELLEIRA  
Amalia Goldar Cora

